



Tuhaayakhaq

Charlie Panigoniak aituqtauvaktuq 2016mi Nunavutim Kamisinam Qunngiaktitihimaaqhuni Hulilukaaktunik Aituutikhaq

IQALUIT, Nunavut (Hikutirvia 7 2016) – Kamisinauyuuq Nunavunmi Nellie Kusugak ublumi tuhaqtitiumayuq aituqtauyukhaq talvuuna 2016mi Nunavutim Kamisinam Qunngiaktitihimaaqhuni Hulilukaaktunik Aituutikhaq. Charlie Panigoniak Kangiliqnirmin aituqtauvakhimayuq manikharnik taima \$10,000.00 tausin tallamik, ilitagidjutikharniklu Kamisinaminlu haviqutiryuarunmik ilitagiryuarutikharnik.

“Nanganaqtuq ilitagititiyaangat Mista Panigoniak anginirmik atuivakami Nunavunmi hulilukaaktunik qunngiaktitiyunik”, uqallaktuq Kamisina Kusugak. “Charlie Panigoniak aulatitivakhimagami ingiurutingik inuinaupluni. Tingmivakhunilu amigaitunik nunalaanun qunngiaktitiyaangat nakuplunilu tautuktunik malikhautitivakamilu inungnun.”

Akunigaaluk ingiuktiuvakami – titiraqhunilu aturniaqtamingnik, Charlie Panigoniak hivulliuyuq Inuinaq titiragianganik, qunngiaktitivakhunilu nipiliukpakhugitlu atutuliukhimayaingit Inuktitut talvuuna 1970mi 1980milu. Ingilraanguhimayuq hivuniurutitivakhunilu amigaitunun Inuinarnik ingiuktukhanrik. Nakuplunilu tautuktunik malikhautitivakamilu inulramiuyunun Inuinarnik atuqtuuyaqtukharnik, anginirmiklu aulatitivakami ingiuktiuyunik taimaitunik Susan Aglukarmik, Looee Arreakmik, Gustin Adjunmik, Jerry Cansnguniklu.

“Charlie Panigoniak nunaptingni quviahuutigiyauyuq, atuqtamingnik quvianaqtun tuhaayaangat, ingiurutait quviahuutiqaqtun ilangitlu qituunaqtun, tautuktuyaaqtitivakhunilu nunalaani inuuhirni Nunavunmi,” uqallaktuq Kamisina Kusugak.

Tamna Nunavutim Kamisinam Hulilukaaktunik Tautuktitihimaaqtunik Aituutikhaq havaktauvakhimayuq tapfuminga Kamisinaugaluaq Ann Meekidjuk Hanson nangadjutigiyangat tautuktitiyunik hulilukaaktunik iniqtiqhimavaktunik havakniaqtamingnik Nunavunmi tautuktihimaaqtunik hulilukaaktunik. Niguarutikhangit ihivriuqtauvakhimayut pukuktukharnik katimayiininik, taima ilauyut anginirmi ilitugidjutiqaqtunik talvuuna qunngiaktitihimaaqtun hulilukaaktunik pitquhiqaqtuniklu Nunavunmi. Niguaqtauhimayut naunaiyaiyauhimayut talvuuna hulilukaaktamingnik iniqtiqhimayainik havaktangitlu aulaninga mikhaatigun atugiaqaqtakhangitlu inungnun havaktainik.

###

Naunaiqyumirumaguvit naunairutingnik hivayaqlugu:

Martha Nowdlak, Ataniqarvingmi Ikayuktiuyuq

Afisiani Kamisinam Nunavunmi

867-975-5120

mnowdlak1@gov.nu.ca